

orbi erudito obtruduntur, solenne & familiare esse cognoscitur, ut adeo maxime iniquum esset, ex ejusmodi sine judicio emissis libellis, de alicujus Viri erudit sententiis ac moribus promiscue pronunciare. (IV.) Denique in eo peccasse perhibent, quod matrimonium sequentibus annis cum nobili Virgine Bohria iniverit, a quo tamen ob Adversarios Pontificios abstinere omnino debuisset. *Dippelius* igitur vocat l. c. *ein ungezähmtes Weiber-Nebmen*, & *Arnoldus* l. c. istud institutum ita sugillat: *Zuvor habe Lutherus an das Sterben gedacht, bernach aber sey er unvermutbet auff diese Gedanken gefallen, woran sich auch seine besten Freunde gestossen.* Verum non ex satiandae libidinis pruritu, sed ob Dei ordinationem & in honorem divinitus instituti matrimonii a Luthero hoc factum fuisse, certissimum est. Coelibatus neminem sanctiorem, & conjugium neminem deteriorem reddit, quod multis perspicue ostendit B. MART. CHEMINTIVS *Loc. Theolog. P. II. p. 178. 179.* Ex his itaque deductis sua sponte consequitur, frivolam & ineptam Saulis, Israelitarum Regis, cum nostro Luthero institui comparationem, quam quidem MATTHESIVS ex mente cuiusdam adversarii adducit, sed cum nulla approbatione, maxima potius detestatione. Videantur, quae III. SECKENDORFIVS in Lutherismo, & MULLERVS in Luthero defenso, ejusque defensione, multis in locis de hoc praejudicio differunt.

PRAEIVDICIVM V.

Lutheri Reformationem Principum ope ac autoritate fuisse suffultam.

§. I. Qui Lutherum posterioribus annis degenerasse, sibique dissimilimum evasisse, dictitant, hoc ea ex causa evenisse sibi persuadent, quod omnes propemodum Germaniae Principes Lutheri instituto favere, illudque amplecti sequenti tempore amplius non dubitaverint. Ita *der in Geistlichen*

D

lichen